

Wie man die Beulen vñ Geschwår curiren sol.

Caput XII.

Wann nun der Archæus micro- Cura Chyr-
urgica. colmi, die giftigen Schwaden von dem centro Vita & corporis in eine

miseram, vnd an seinen Ort getrieben/ nemlich ad extremitates, sol man sich vmb gute Beraffente bemühen/ welche das Erst heben/ vnd zu fernerer restitution verhelffen können. Dar-

umb wenn die Beulen hinter den Ohren/ als in peste igneo, sol man also balde/ vnd ehe dan man etwas anders darüber leget/ sol man Luchlein/ so in Meyendaw genest/ vberlegen/ oder etwas von einer guten Manna, oder gestoffenen Knoblauch oder Zwiebeln/ oder lebendig gerupffte Sperrlinge/ vñ solchs sol alle halbe stunde einmahl hinweg gethan / vnd ein frisches vbergeleget werden/ solches zeucht den Gifft aus den Geschwären in sich.

Seind die Beulē vnter den Achseln/ als in peste chaoida, sol man darüber binden

binden / Storckenfleisch / zuvorn in
 Effige wol erbeiset / lebendige berupff-
 te Nanen / Krahen / Amseln / Hünen /
 Kephünen / alle so lang liegen lassen /
 biß sie gestorben / vnd dann ein anders
 vber gelegt.

Seynd die Beulē an den Schlich-
 ten / als in Peste Aqueo, sol man darū-
 ber binden / lebendige Neunaugen /
 Hechte / Barmen / Frösche / Kröten /
 Endten / Schnecken / vnd solche dem-
 nach jedes verstorben / wieder veränd-
 ert.

Vber die Flecken in Peste terrano,
 sol man Naterschmals / Dachs-
 schmals / Maulwurffs / Fuchs / Wolfs-
 fes / Katzenfleisch / vnd alles / was sich
 des Giftes / vnnnd erfaulter Speisen /
 als Fliegen / Spinnen / Krotē / Schlans-
 gen / Mücken / Frösche / ernehret vnd
 erhelt / dann diese alle haben eine be-
 sondere / gewaltige / magnetische Krafft
 den Gift an sich zu ziehen / weil sie den
 Gift essen / vñ als eine gesunde Spei-
 se verdawen können / darumb sol man
 ja / so balde eines darüber gestorben /
 oder

oder wieder abgenomwen worden/ solches hinweg vnd von den Leuten thun/ daß der Giffte daraus sich nicht wieder in den Menschen ziehe / vnnnd solche auffbinden/ mag man nach Gelegenheit auff ein halben Tag oder lenger/ continuiren, dann gar hinweg thun/ vnd folgendes attractivum Pflastersweise vberlegen / vnnnd solches wiederumb alle sechs Stunden vernewern/ Solches zeucht nicht alleine den vbrigen Giffte vollends aus / sondern zeitiget vnd reiffet die Geschwår mit Gewalt/ daß sie eröffnet / vnnnd der Giffte außgelassen werde.

Recip. Ranarum exio. —

Per attractivum.

Bufo num exic. & pulv. á. unc. j.

Opoponacis.

Olibani pulver. á. vnc. ij.

Serapini vnc. iij.

Bolelli vnc. iij.

Galbani vnc. j.

Gummata coquentur aceto & co-
lentur, super adde

Succini præparati.

Pul. Sulphuris.

Cam-

Camphor. á vnc. j.

℞. in coctione Emplastrum.

Wolte hievon das Geschwür sich nicht eröffnen / sol man demnach von dem Extracto Bezoartico, in grösser des Geschwäres / ein Pflaster schmierē / darinnen in mitten ein Loch eines Grotzen gross / gleich vber der Blume des Geschwärs / darüber sol man wieder ein ander Pflaster von Sawrteige / Spanischen Fliegen / vnnnd oxymella Scillicico gemacht / vberlegen / vnd bis es das Geschwür eröffnet / liegē lassen / wann es eröffnet / wiederumb das attractiv vbergelegt / bis Syter vñ Vnflat wol heraussert gezogen / vnnnd dann mit folgendem köstlichen Pflaster incarniret vnd zugeheilet.

Incarnati-
vum.

Recip. Ceræ j. Pfundt.

Colophon.

Piscis Navalis á i. viertel Pfunds.

Gum. Ammoniaci vnc. iij.

Bdellii.

Galbani.

Opoponacis á vnc. j. s.

Pul. Magnetis vnc. v.

Succini vnc. iij.

Corallorum rubr.
alborum á vnc. s.

Olibani.

Masticis á drach. iij.

Mumia drach. ij.

Terebinthin. vnc. iiij.

Misc. & f. la. Empl. dardurch nit alleis
ne die reliquien des giffts vollents/be-
sondern auch sonst allerley Eysen-
kugeln/ Pfeile/ vnd was in stichen vnd
sonst abgebrochen oder verlohren/
Nols/ Splittern/ Gestäube/ vnd was
dergleichen ist/ aufgezogen werde/son-
dern alle frische vnd verderbte Wun-
den/ vnd eröffnete Geschwår wunder-
barlich heilet vnd beschleunst/ das es wol
für ein refugium zu halten / wañ keine
Arznei mehr helffen wil.

Wie die Symptomata

zu curiren.

Caput XII.

Gleich wie nu eine Festung/ Cura Symptomatum.

so sich für Feindes Gewalde lan-
ge vnd mächtig geschüzet / nicht
mit Willen sich ergeben wollen /
sondern